

	<h1>SLUŽBENE NOVINE OPĆINE GORAŽDE</h1>	
Godina - V	11. juni 2012. godine GORAŽDE	Broj - 6

0855

Na osnovu člana 13. Zakona o principima lokalne samouprave u Federaciji BiH („Službene novine Federacije BiH“, br. 49/06) i članova 18. i 84. Statuta Općine Goražde („Službene novine Bosansko-podrinjskog kantona Goražde“, br.13/07), Općinsko vijeće Općine Goražde, na 41. redovnoj sjednici, održanoj dana 31.05.2012. godine,

d o n o s i:

O D L U K U

**o postavljanju spomen-obilježja žrtvama fašizma
1941-1945. i 1992-1995. godine**

Član 1.

Građani Goražda u znak sjećanja na žrtve fašizma 1941-1945, 1992-1995. godine postavljaju spomen-obilježje na mostu Alije Izetbegovića.

Spomen-obilježje bi bilo postavljeno na sredini mosta (uzvodna strana mosta) u skladu sa Idejnim rješenjem, koje je sastavni dio ove Odluke.

Ispod spomen-obilježja bilo bi postolje za polaganje cvijeća, a spomen-obilježje će biti adekvatno osvijetljeno.

Član 2.

Konačan tekst koji će biti ispisan na spomen-ploči utvrdit će Kolegij Općinskog vijeća u saradnji sa stručnim licima iz različitih oblasti.

Član 3.

Za provedbu ove Odluke zadužuju se načelnik Općine Goražde i Kolegij Općinskog vijeća uz saradnju sa nadležnim službama i udruženjima boračkih populacija.

Član 4.

Troškove postavljanja spomen-ploče snosit će Općina Goražde.

Član 5.

Ova Odluka stupa na snagu osmog dana od dana objavljivanja u „Službenim novinama Općine Goražde“.

Broj: 01-02-1-2764

Goražde, 31.05.2012. godine

ZAMJENIK PREDSJEDAVAJUĆEG VIJEĆA

Obuća Aida, dipl.prav.

0856

Na osnovu članova 8. i 13. Zakona o principima lokalne samouprave (“Službene novine F BiH”, br. 49/06) i članova 18. i 84. Statuta općine Goražde (“Službene novine Bosansko-podrinjskog kantona Goražde”, broj:13/07), Općinsko vijeće općine Goražde, na 41. redovnoj sjednici, održanoj dana 31.05.2012. godine, **d o n o s i:**

O D L U K U

**o jedinstvenom načinu ustupanja, korištenja i
zaštiti poslovnih prostorija i zgrada u vlasništvu
Općine Goražde**

Član 1.

Ovom se Odlukom utvrđuje jedinstveni način ustupanja u zakup poslovnih zgrada i poslovnih prostorija (u daljem tekstu poslovne prostorije), uvjeti korištenja, zaštita i postupak davanja istih u zakup u skladu sa Zakonom o zakupu poslovnih zgrada i prostorija (“Službeni list SR BiH”, broj: 33/77, 12/87, 3/90 i 3/93) u vlasništvu Općine Goražde.

Član 2.

Poslovnim prostorijama smatraju se prostori kako je regulisano odredbama člana 2. Zakona o zakupu poslovnih zgrada i prostorija.

Član 3.

Poslovne prostorije se ustupaju u zakup ili na korištenje bez naknade, na određeno vrijeme, na rok od 5 godina, s mogućnošću produženja ugovora pod uvjetima utvrđenim ovom Odlukom.

Izuzetno, poslovne prostorije se mogu dati u zakup ili na korištenje na rok do 5 godina, ako to objektivni razlozi iziskuju kao što je potreba rušenja zgrada u kojoj se nalaze poslovne prostorije zbog dotrajalosti ili privođenja zemljišta trajnoj namjeni u skladu sa prostorno-planskom dokumentacijom ako će poslovne prostorije biti potrebne Općini Goražde u budućem periodu za njene potrebe.

Član 4.

Slobodni poslovni prostori ustupaju se u pravilu u zakup na osnovu javnog prikupljanja ponuda prema ponuđenoj cijeni zakupa po 1m² poslovnog prostora mjesečno ili u skladu sa kriterijima iz članova 6, 7, 8, 9, 10 i 11, a po raspisanom javnom oglasu koji se objavljuje na oglasnoj tabli Općine Goražde i sredstvima dnevnog informisanja.

Javni oglas za prikupljanje ponuda sadrži:

- lokaciju i površinu poslovnog prostora,
- namjenu poslovnog prostora,
- početnu visinu zakupnine po 1 m²,
- kriterije za dodjelu poslovnih prostorija putem javnog oglasa,
- vremenski period na koji se poslovni prostor daje u zakup,
- rok prikupljanja ponuda,
- ostale uvjete.

Član 5

Načelnik Općine Goražde dužan je svake godine za najmanje 30% raspoloživih poslovnih prostorija raspisati javni oglas za dodjelu boračkim populacijama prema kriterijima iz članova 6, 7, 8, 9, 10. i 11.

KRITERIJI ZA DODJELU POSLOVNIH PROSTORIJA**Član 6.**

Kriteriji za dodjelu poslovnih prostorija putem javnog oglasa su sljedeći:

- broj članova uže porodice podnosioca prijave,
- socijalni status,
- pripadnost posebnim kategorijama - članovi porodica poginulih boraca, invalidnost na osnovu

učešća u oružanim snagama R BiH, pripadnost oružanim snagama R BiH i dobitnici ratnih priznanja,

- visina ponuđene naknade.

Ako se poslovni prostor dodjeljuje prema kriteriju ponuđena cijena, poslovni prostor će se dodijeliti onom ponuđaču koji ponudi najveću cijenu zakupnine po 1m² poslovnog prostora.

Član 7.

Po osnovu članova uže porodice podnosiocu pripada 5 bodova za svakog člana.

Članovima uže porodice u smislu ove Odluke smatraju se bračni drug, djeca rođena u braku i van braka, usvojena i pastoračad koja nisu u braku i žive u trajnoj zajednici sa podnosiocem zahtjeva, te roditelji koji žive u trajnoj zajednici sa podnosiocem prijave.

Član 8.

Po osnovu socijalnog statusa podnosioca prijave pripada 10 bodova prema nezaposlenosti svakog člana uže porodice, uključujući i podnosioca zahtjeva, ukoliko se nalaze na evidenciji nezaposlenih lica kod službe za zapošljavanje.

Član 9.

Po osnovu pripadnosti posebnim kategorijama podnosiocu prijave pripada sljedeći broj bodova:

1. članovima porodica poginulih boraca 70 bodova,
- b) ratnim vojnim invalidima učesnicima u oružanim snagama R BiH za svaki procenat invalidnosti pripada 1 bod,
1. pripadnicima oružanih snaga za svaku punu godinu učešća pripada 10 bodova,
2. dobitnicima vojnih priznanja Zlatni ljiljan i Policijska značka pripada 50 bodova.

Član 10.

Podnosiocu prijave po osnovu kriterija visine ponuđene naknade pripada 5 bodova za svaku konvertibilnu marku ponuđenu iznad početnog iznosa zakupnine.

Član 11.

Ukoliko dva ili više podnosioca prijave ostvare jednak broj bodova za isti poslovni prostor, prednost u dodjeli tog poslovnog prostora imaju podnosioci prijave koji ostvare veći broj bodova po osnovu socijalnog statusa.

Član 12.

Na osnovu zahtjeva, načelnik može predložiti Općinskom vijeću dodjelu u zakup poslovnog prostora neposredno bez javnog oglašavanja u sljedećim slučajevima:

1. Državnim organizacijama i institucijama,
2. Zdravstvenim ustanovama i školama,
3. Parlamentarnim strankama koje participiraju u Općinskom vijeću Općine Goražde,
4. Udruženjima građana čija je djelatnost zaštita boračkih populacija,
5. Udruženjima koja okupljaju invalidna lica, djecu i omladinu,
6. Humanitarnim organizacijama,
7. Vjerskim zajednicama za obezbjeđenje njihovog sjedišta,
8. Udruženjima obrtnika i privrednika,
9. Ako se nakon smrti ili penzionisanja zakupca-poslodavca ugovor zaključuje tj. nastavlja obavljanje djelatnosti od strane članova uže porodice ili sa zaposlenim radnikom, ako su u radnom odnosu sa ranijim zakupcem bili preko 3 godine neprekidno, pod uvjetom da je zakupnina u cijelosti izmirena,
10. Zakupcima koji moraju napustiti općinski poslovni prostor na osnovu rješenja o ruševnosti prostora izdatog od strane nadležnog organa,
11. Ako se na dva uzastopna javna oglasa za prikupljanje ponuda ne jave zainteresovana lica.

Izuzetno od odredaba predhodnog stava ovog člana, poslovne prostorije se mogu ustupiti na korištenje neposrednom pogodbom bez naknade državnim institucijama na nivou vlasti Općine Goražde te ustanovama, javnim preduzećima i drugim pravnim licima čiji je osnivač Općina Goražde.

O davanju u zakup poslovnih prostorija putem neposredne pogodbe, kao i na korištenje bez naknade odlučuje Općinsko vijeće.

POSTUPAK I NAČIN DODJELE POSLOVNIH PROSTORIJA U ZAKUPU

Član 13.

Prijave na javni oglas za ustupanje poslovnih prostorija u zakup podnose se načelniku Općine Goražde u roku od 15 dana od dana objavljivanja javnog oglasa na oglasnoj tabli Općine Goražde uz koju se obavezno prilaže dokaz o uplati garantnog pologa u visini od 300 KM.

Načelnik Općine imenuje privremenu komisiju za provođenje javnog oglasa.

Neblagovremene i nepotpune prijave komisija neće uzeti u razmatranje.

Član 14.

Otvaranje prijave komisija vrši javno uz prisustvo prijavljenih kandidata koji će biti prethodno obavješteni o mjestu i vremenu otvaranja prijave.

Komisija razmatra prijave, vrši bodovanje i sačinjava rang-listu prioriteta za dodjelu poslovnih prostorija u zakup.

O svom radu komisija vodi zapisnik. Prijavljeni kandidati imaju pravo da usmeno stave prigovor o radu komisije koji će komisija unijeti u zapisnik.

Član 15.

O rezultatima javnog oglasa komisija objavljuje zaključak na oglasnoj tabli Općine Goražde i obavještava učesnike konkursa.

Kandidat koji je nezadovoljan radom komisije i izborom ponude može u roku od 8 dana od dana objavljivanja zaključka na oglasnoj tabli Općine Goražde i prijema obavijesti uložiti prigovor načelniku Općine.

Komisija dostavlja zaključak sa prijedlozima te prijave i drugu dokumentaciju općinskom načelniku, koji donosi odluku o davanju u zakup poslovnih prostorija.

Poslovni prostor će se dodijeliti onom kandidatu koji ponudi najuveći iznos zakupnine po 1m² mjesečno ako se dodjela poslovnog prostora u skladu sa članom 4. ove Odluke vrši na osnovu najviše ponuđene cijene zakupnine po 1m².

Ukoliko se dodjela poslovnog prostora vrši prema kriterijima iz članova 6, 7, 8, 9, 10. 11, poslovni prostor će se dodijeliti prema listi prioriteta. Ako dva i više kandidata osvoje isti broj bodova na rang-listi, pravo prvenstva na rang-listi za dodjelu poslovnog prostora ima onaj kandidat koji ima veći broj bodova po kriteriju socijalni status.

Član 16.

Na osnovu odluke načelnika Općine ili odluke Općinskog vijeća o ustupanju poslovnog prostora u zakup ili na korištenje bez naknade, načelnik Općine će zaključiti ugovor o zakupu ili ustupanju na korištenje bez naknade poslovnih prostorija.

Ugovor o zakupu poslovnih prostorija sadrži naročito:

1. Naznaku ugovornih strana
2. Naznaaku poslovnih prostorija i zgrade u kojoj se one nalaze

3. Naznaku poslovne djelatnosti koju će zakupac vršiti u poslovnim prostorijama
4. Odredbe o korištenju zajedničkih uređaja i prostorija u zgradi
5. Odredbe da je ugovor zaključen na određeno vrijeme sa naznakom tog vremena
6. Iznos zakupnine i naknade za korištenje uređaja kao i vrijeme njihovog plaćanja
7. Mjesto i datum zaključenja ugovora i potpis ugovornih strana

U postupku zaključivanja ugovora o zakupu, obavezno se pribavlja mišljenje Pravobranilaštva Općine.

Neće se dodijeliti niti produžiti ugovor o zakupu zaključen na određeno vrijeme onom fizičkom ili pravnom licu koje ima dospjele, a neizmirene obaveze prema Općini Goražde, po bilo kom osnovu.

Član 17.

Poslovne prostorije koje su amortizovane usljed starosti ili su u ruševnom stanju preko 60%, ustupit će se javnim oglašavanjem po postupku predviđenom u odredbama članova 13. do člana 15. stavovi 1, 2, 3. i 4. kad je zakupac spreman takav poslovni prostor o vlastitom trošku popraviti, odnosno rekonstruisati, zaključno sa grubim građevinsko-zanatskim radovima koji su potrebni za osiguranje općih uvjeta koje moraju ispunjavati poslovne prostorije, odnosno poslovni objekti, kao što je pokrivanje, zidanje, grubo i fino malterisanje bez farbanja zidova, postavljanje stolarije, uređenje podova, te postavljanje osnovnih instalacija i sanitarnih uređaja.

U ovakvim slučajevima, međusobni odnosi će se regulisati posebnim ugovorom koji, pored ostalog, mora sadržavati sljedeće klauzule:

- da će se uložena sredstva za obnovu poslovnih prostorija odbiti od zakupnine,
- da je zakupoprimac dužan prije početka radova donijeti projekat na verifikaciju,
- da se period obnove ne računa u zakup, a ovaj rok ne može biti duži od 6 mjeseci,
- da se za uložena sredstva priznaju samo sredstva potrebna za izvođenje građevinsko-zanatskih radova iz stava 1. ovog člana,
- da je zakupac dužan po završetku građevinsko-zanatskih radova podnijeti konačan obračun uložених sredstava koji će verifikovati komisija zakupodavca, nakon čega će se aneksom ugovora regulisati prebijanje zakupnine sa uložеним sredstvima i na osnovu toga odrediti rok trajanja zakupa, a sve vezano za čvrstu valutu.

U ovakvim slučajevima rok zakupa može biti duži od roka iz člana 3. stav 1. ove Odluke, a najviše dvostruki period izračunatog prebijanja uložених sredstava i kamata na ta sredstva sa zakupninom.

Član 18.

Administrativno-finansijske poslove kao i poslove kontrole korištenja poslovnih prostorija obavljat će nadležna općinska služba zadužena za ove poslove.

VISINA I NAČIN PLAĆANJA ZAKUPNINE

Član 19.

Najniža visina zakupnine po 1 m² iznosi:

- | | |
|--------------------------|-----------------|
| - područje grada Goražda | najniža 5,00 KM |
| - područje Vitkovića | najniža 1,50 KM |
| - ruralna područja | najniža 1,00 KM |

Najniža visina zakupnine za korištenje garaža iznosi 1 KM po 1 m².

Član 20.

Za obavljanje osnovne djelatnosti korisnika iz člana 12. stav 1. tačke 2. i 3. minimalna visina zakupnina poslovnih prostora umanjuje se za 60% od visine zakupnine utvrđene za područje u kojem se poslovni prostor nalazi, a za obavljanje osnovne djelatnosti korisnika iz tački 4, 5, 6. i 7. istog člana minimalna visina zakupnina poslovnih prostora umanjuje se za 90% od visine zakupnine utvrđene za područje u kojem se poslovni prostor nalazi.

Član 21.

Za obavljanje industrijske i prerađivačke djelatnosti minimalna visina zakupnina poslovnih prostora umanjuje se za 50% od visine zakupnine utvrđene za područje u kojem se poslovni prostor nalazi.

Član 22.

U cilju zaštite niskoakumulativnih, starih, deficitarnih i tradicionalnih zanata, minimalna visina zakupnina poslovnih prostora umanjuje se za 50% od visine zakupnine utvrđene za područje u kojem se poslovni prostor nalazi.

PRAVA I OBAVEZE UGOVORENIH STRANA

Član 23.

Zakupac je dužan poslovni prostor koristiti samo za svrhu određenu ugovorom, a bez odobrenja zakupodavca nema pravo vršiti promjenu prostora ni adaptaciju niti unutrašnje preuređenje. Prije

otpočinjanja bilo kakvih radova, zakupac je dužan dostaviti zakupodavcu projektnu dokumentaciju na odobrenje i davanje saglasnosti za izvođenje bilo kakvih radova u poslovnim prostorijama.

Troškove adaptacije radi privođenja poslovnih prostorija namjeni padaju na teret zakupca i ne mogu se prebijati preko zakupnine.

Član 24.

Zakupac snosi sve troškove zbog oštećenja na zgradi i drugoj imovini u kojoj se nalaze poslovne prostorije, do kojeg je došlo obavljanjem djelatnosti zakupca, bez obzira da li je štetu učinio on ili lice uz čiju pomoć obavlja djelatnost.

PRESTANAK I RASKID UGOVORA O ZAKUPU

Član 25.

Zakupac ne može bez saglasnosti načelnika Općine izdati poslovni prostor u podzakup.

Član 26.

Ugovor o zakupu prestaje istekom vremena na koji je zaključen.

Ako zakupac želi koristiti poslovni prostor i nakon isteka roka iz stava 1. ovog člana, dužan je najkasnije 60 dana prije isteka zakupa dostaviti zakupodavcu zahtjev za produženje zakupa.

Nakon razmatranja ponude za produženje zakupa, nadležni općinski organ najkasnije 20 dana prije isteka zakupa donosi odluku o produženju ili prestanku zakupnog odnosa.

Član 27.

U pogledu prestanka ugovora po osnovu otkaza i raskida primjenjivat će se odredbe Zakona o zakupu poslovnih zgrada i prostorija.

PRELAZNE I ZAVRŠNE ODREDBE

Član 28.

Sve pojedinačne odluke o ustupanju poslovnih prostorija i zaključeni ugovori bit će usklađeni sa ovom Odlukom.

Član 29.

U pogledu ustupanja garaža u zakup primjenjivat će se odredbe ove Odluke.

Član 30.

Svi radovi koji se izvode na poslovnom prostoru koji su predmet ove Odluke moraju biti u skladu sa važećim tehničkim propisima i prostornim

planovima, kao i u okviru gabarita postojećih objekata.

Član 31.

U pogledu ostalih prava i dužnosti zakupodavca i zakupoprirnca primjenjivat će se odredbe Zakona o zakupu poslovnih prostorija i zgrada.

Član 32.

Stupanjem na snagu ove Odluke prestaje da važi Odluka o jedinstvenom načinu ustupanja, korištenja i zaštiti poslovnih prostorija i zgrada u vlasništvu Općine Goražde ("Službene novine Bosansko-podrinjskog kantona Goražde", broj: 1/08, "Službene novine Općine Goražde", broj: 3/08, 1/09, 4/10, 5/11, 6/11,2/12).

Član 33.

Ova Odluka stupa na snagu osmog dana od dana objavljivanja u "Službenim novinama Općine Goražde".

Broj: 01-02-1-2760

Goražde, 31.05.2012. godine

ZAMJENIK PREDSJEDAVAJUĆEG VIJEĆA

Obuća Aida, dipl.prav.

0857

Na osnovu članova 18. i 84. Statuta Općine Goražde ("Službene novine Bosansko-podrinjskog kantona Goražde", broj:13/07) i člana 36. Odluke o izvršenju Budžeta Općine Goražde za 2012. godinu („Službene novine Općine Goražde“ broj: 3/12), Općinsko vijeće Općine Goražde, na 41. redovnoj sjednici, održanoj dana 31.05. 2012.godine, **donosi:**

ODLUKU

o usvajanju Programa utroška finansijskih sredstava Budžeta Općine Goražde sa ekonomskog koda 614 117 – Grant mjesnim zajednicama za 2012.godinu, u ukupnom iznosu od 100.000,00 KM

Član 1.

Ovom se Odlukom usvaja Program utroška finansijskih sredstava Budžeta Općine Goražde sa ekonomskog koda 614 117 – Grant mjesnim zajednicama za 2012.godinu u ukupnom iznosu od 100.000,00 KM.

Član 2.

Prema Programu iz člana 1. ove Odluke iznos od 50.000,00 KM bit će utrošen za pokrivanje troškova čišćenja snijega u mjesecu februaru 2012.godine, a preostala sredstva u iznosu od 50.000,00 KM bit će utrošena za mjesne zajednice prema dostavljenim prijedlozima savjeta mjesnih zajednica.

Član 3.

Sredstva iz člana 1. ove Odluke isplatit će se na teret Budžeta Općine Goražde, ekonomski kod 614 117 – Grantovi mjesnim zajednicama u 2012. godini u iznosu od 100.000,00 KM.

Član 4.

Dodjelu novčanih sredstava odobrava načelnik Općine na prijedlog Službe za civilnu zaštitu i mjesne zajednice.

Član 5.

Za provedbu ove Odluke zadužuju se načelnik Općine i Služba za civilnu zaštitu i mjesne zajednice Općine Goražde.

Član 6.

O utrošku finansijskih sredstava iz člana 1. ove Odluke načelnik Općine podnosi izvještaj Općinskom vijeću.

Član 7.

Program iz člana 1. ove Odluke je sastavni dio ove Odluke.

Član 8.

Ova Odluka stupa na snagu osam dana od dana objavljivanja u “Službenim novinama Općine Goražde”.

Broj: 01-02-1-2762

Goražde, 31.05.2012.godine

ZAMJENIK PREDSJEDAVAJUĆEG VIJEĆA

Obuća Aida, dipl.prav.

0858

Na osnovu članova 18. i 84. Statuta Općine Goražde (“Službene novine Bosansko-podrinjskog kantona Goražde“, broj:13/07), člana 34. Odluke o izvršenju Budžeta Općine Goražde („Službene novine Općine Goražde“ broj: 3/11) i člana 17. Odluke o općem uređenju i izgledu grada i ostalih naselja na području općine Goražde (“Službene novine Općine Goražde“ br: 6/11), Općinsko vijeće Goražde, na 41. redovnoj sjednici, održanoj dana 31.05.2012.godine, **d o n o s i:**

O D L U K U

o usvajanju Programa o uređenju grada i ostalih naselja i izgradnji i rekonstrukciji javne rasvjete u 2012. godini

Član 1.

Ovom se Odlukom usvaja Program o uređenju grada i ostalih naselja i izgradnji i rekonstrukciji javne rasvjete u 2012.godini, u iznosu od 149.512,50 KM.

Sredstva za ovu namjenu obezbijedena su u Budžetu Općine Goražde za 2012.godinu na kodu 615-117-1 u iznosu o 70.000,00 KM i na kodu 615-121 u iznosu od 90.000,00 KM.

Član 2.

Za provođenje ovog Programa zadužuje se načelnik Općine Goražde, koji će realizovati putem nadležnih službi.

Član 3.

Sastavni dio ove Odluke je Program o uređenju grada i ostalih naselja i izgradnji i rekonstrukciji javne rasvjete u 2012.godini.

Član 4.

Ova Odluka stupa na snagu osam dana od dana objavljivanja u “Službenim novinama Općine Goražde”.

Broj: 01-02-1-2763

Goražde, 31.05.2012.godine

ZAMJENIK PREDSJEDAVAJUĆEG VIJEĆA

Obuća Aida, dipl.prav.

0859

Na osnovu člana 18. i člana 84. Statuta Općine Goražde („Službene novine Bosansko-podrinjskog kantona Goražde“, broj 13/07), a u skladu sa Budžetom Općine Goražde za 2012. godinu („Službene novine Općine Goražde“, broj 3/12), Općinsko vijeće Općine Goražde, na 41. redovnoj sjednici, održanoj dana 31.05.2012.godine, **d o n o s i:**

ODLUKU

o usvajanju Programa utroška sredstava sa kriterijima raspodjele za „Podsticaj poljoprivrednoj proizvodnji“ na području općine Goražde u 2012. Godini, planiranih na ekonomskom kodu 614419 - Podsticaj poljoprivrednoj proizvodnji u Budžetu Općine Goražde za 2012.godinu, u ukupnom iznosu od 50.000,00KM

Član 1.

Ovom se Odlukom daje saglasnost na Program utroška sredstava sa kriterijima raspodjele za „Podsticaj poljoprivrednoj proizvodnji“ na području općine Goražde u 2012.godini, planiranih na ekonomskom kodu 614419 - Podsticaj poljoprivrednoj proizvodnji, u Budžetu Općine Goražde za 2012.godinu, u ukupnom iznosu od 50.000,00KM.

Član 2.

Sredstva za realizaciju Programa iz člana 1. ove Odluke su planirana na ekonomskom kodu 614419 - Podsticaj poljoprivrednoj proizvodnji, u Budžetu Općine Goražde za 2012.godinu („Službene novine Općine Goražde“, broj: 3/12).

Član 3.

Program iz člana 1. ove Odluke sastavni je dio ove Odluke.

Član 4.

Za realizaciju ove Odluke zadužuje se Služba za finansije, trezor i privredu Općine Goražde.

Član 5.

Po usvajanju ove Odluke raspisat će se javni poziv sa upustvima za podnošenje zahtjeva (aplikacija) za realizaciju novčanih sredstava za „Podsticaj poljoprivrednoj proizvodnji“ na području općine Goražde u 2012.godini.

Član 6.

Ova Odluka stupa na snagu osmog dana od dana objavljivanja u „Službenim novinama Općine Goražde“.

Broj:01-02-1-2761

Goražde, 31.05.2012.godine

ZAMJENIK PREDSJEDAVAJUĆEG VIJEĆA

Obuća Aida, dipl.prav.

0860

BOSNA I HERCEGOVINA
FEDERACIJA BOSNE I HERCEGOVINE
BOSANSKO-PODRINJSKI KANTON
OPĆINA GORAŽDE
SLUŽBA ZA FINANSIJE, TREZOR I PRIVREDU

**PROGRAM
UTROŠKA SRETTAVA
SA KRITERIJIMA RASPODJELE
ZA „PODSTICAJ POLJOPRIVREDNOJ
PROIZVODNJI“
NA PODRUČJU OPĆINE GORAŽDE
U 2012.GODINI**

GORAŽDE, maj 2012.

**PROGRAM I PLAN
UTROŠKA SRETTAVA SA KRITERIJIMA
RASPODJELE
„PODSTICAJ POLJOPRIVREDNOJ
PROIZVODNJI“
ZA 2012. GODINU**

1. PODACI O PROGRAMU

- Period realizacije Programa je: od dana usvajanja pa do 31.12.2012.godine
- Ukupna vrijednost Programa: 50.000,00 KM
- Korisnici Programa: poljoprivredni proizvođači
- Izvor sredstava: Budžet Općine Goražde za 2012. godinu
- Odgovorna osoba: Enisa Lapo, dipl.ecc., rukovodilac Službe za finansije, trezor i privredu

SADRŽAJ**1. PODACI O PROGRAMU****1. UVOD****2. PROGRAM NABAVKE PLASTENIKA****3.1. Opis Programa****4. PROGRAM NABAVKE KOSAČICA****4.1. Opis Programa****5. KRITERIJI ZA RASPODJELU****SREDSTAVA****5.1. Opći kriteriji****5.2. Posebni kriteriji za nabavku
plastenika****5.3. Posebni kriteriji za nabavku
kosačica****6. NAČIN OSTVARIVANJA PODRŠKI****2. UVOD**

Općina Goražde Budžetom za 2012. godinu je planirala sredstva na poziciji „Podsticaj poljoprivrednoj proizvodnji“ ekonomskom kodu 614419, u iznosu od 50.000,00 KM.

Zbog specifičnosti namjene ovih sredstava, a posebno kada se ima u vidu broj lica koja se bave poljoprivredom, njihovim potrebama za sredstvima, prišlo se detaljnoj izradi ovog Programa.

Planirana sredstva bi bila raspoređena na:

- Program nabavke plastenika u iznosu od 15.000 KM
- Program nabavke motornih kosačica u iznosu od 20.000 KM
- Rezervna sredstva u iznosu od 15.000 KM, koja bi se utrošila kao podrška kulturno-privrednim manifestacijama, sajmovima, pomoći pojedinim poljoprivrednicima i drugim vidovima pomoći

3. PROGRAM NABAVKE PLASTENIKA

3.1. Opis Programa

Uvjeti za plasteničku proizvodnju na području naše općine su dobri. Proizvodnjom povrća u plastenicima povrće ranije stiže za berbu, pa je njegova prodajna cijena skuplja u odnosu na proizvodnju na otvorenom. Značajan broj poljoprivrednih proizvođača se bavi ovom proizvodnjom i ostvaruje prinose svome gazdinstvu.

Prirodne nesreće koje su se dogodile u 2011. i 2012. godini na području naše općine (poplava i snijeg) uništile su i oštetile znatan broj plastenika. Usljed toga, potrebe za plastenicima su izražene, tako da se znatan broj poljoprivrednika obraća sa zahtjevom za pomoć u nabavci plastenika.

Program bi se realizovao tako da bi se poljoprivredni proizvođači, koji nabave novi plastenik od 100m² površine, novčano pomogli sa po 1.000,00KM.

Smatramo da bi se kroz ovaj Program pomoglo da 15 poljoprivrednika nabave 15 plastenika od po 100m² površine.

4. PROGRAM NABAVKE KOSAČICA

4.1. Opis Programa

Značajan broj poljoprivrednika sa područja naše općine bavi se stočarstvom. Za uspješno bavljenje tim poslom neophodno je obezbijediti dovoljne količine kabaste hrane za ishranu stoke, što podrazumijeva košenje trave i spremanje sijena, a to iziskuje korištenje radne snage. Upotrebom motornih kosačica u mnogome bi se smanjila upotreba radne snage, povećala produktivnost i količina kabaste hrane za ishranu stoke.

Usljed svega toga, značajan broj poljoprivrednika se obraća sa zahtjevom za pomoć u nabavci kosačica.

Program bi se realizovao tako da se poljoprivrednim proizvođačima koji nabave novu motornu kosačicu novčano pomogne sa 30% od nabavne cijene. Maksimalni iznos podrške po poljoprivredniku je do 700,00 KM.

Smatramo da bi se kroz ovaj Program pomoglo da 30 poljoprivrednika nabavi 30 novih kosačica.

5. KRITERIJI ZA RASPODJELU SREDSTAVA

Financijska sredstva odobrena iz Budžeta Općine Goražde raspoređivat će se prema sljedećim općim i posebnim kriterijima i to:

5.1. Opći kriteriji

Pravo na podsticaj prema ovom Programu imaju poljoprivredni proizvođači koji ispunjavaju sljedeće uvjete:

- da imaju prebivalište na području općine Goražde,
- da su izvršili registraciju poljoprivrednog gazdinstva u Službi za finansije, trezor i privredu.

5.2. Posebni kriteriji za nabavku plastenika

- Podsticaj za nabavku plastenika ima petnaest (15) poljoprivrednih proizvođača koji ispunjavaju opće kriterije, a koji nabave plastenik od 100m² površine uz priloženi fiskalni račun o kupljenom plasteniku.
- Pravo na podsticaj može ostvariti poljoprivredni proizvođač na samo jedan plastenik od 100m² površine.
- Prednost za dodjelu sredstava pri jednakim uvjetima imaju poljoprivrednici koji su registrirali obrt u poljoprivredi.
- Pravo na podsticaj nemaju poljoprivredni proizvođači koji se nalaze na listi za dodjelu plastenika putem Svjetske banke, a na ime nadoknade štete od poplava.

5.3. Posebni kriteriji za nabavku kosačica

- Podsticaj za nabavku motornih kosačica ima 30 poljoprivrednih proizvođača koji ispunjavaju opće kriterije, a koji nabave novu motornu kosačicu uz priloženi fiskalni račun o kupljenoj motarnoj kosačici.
- Prednost za dodjelu sredstava pri jednakim uvjetima imaju poljoprivrednici koji su registrirali obrt u poljoprivredi, kao i oni koji imaju veći broj grla stoke i poljoprivrednog zemljišta.

6. NAČIN OSTVARIVANJA PODRŠKI

Po usvajanju ovog Programa od strane Općinskog vijeća, objavit će se javni poziv za podnošenje prijave na isti. U javnom pozivu će biti precizirani kriteriji i potrebna dokumentacija za aplikaciju.

Poljoprivredni proizvođači koji ispunjavaju opće i posebne kriterije propisane ovim Programom podnose zahtjev i potrebnu dokumentaciju za ostvarivanje novčane podrške Službi za finansije, trezor i privredu.

Pregled, obradu i provjeru dokumentacije izvršit će komisija koju formira načelnik Općine Goražde.

Isplata sredstava vrši se nakon usvajanja zapisnika, koji sačinu komisija, od strane načelnika Općine.

Aida Obuća, dipl.prav.

0861

Na osnovu odredaba člana 29. stav 1. Zakona o prometu nepokretnosti ("Službeni list SRBiH" broj: 38/78, 4/89, 29/90, 22/91 i "Službeni list R BiH" broj: 21/92, 3/93, 13/94 i 18/94), člana 25. stav 1. Zakona o građevinskom zemljištu FBiH ("Službene novine Federacije BiH" broj: 25/03), člana 13. Zakona o principima lokalne samouprave u Federaciji Bosne i Hercegovine ("Službene novine FBiH" broj: 49/06) i članova 18, 77. i 84. Statuta Općine Goražde ("Službene novine Bosansko-podrinjskog kantona Goražde" broj: 13/07), Općinsko vijeće Općine Goražde, na 41.redovnoj sjednici, održanoj dana 31.05.2012. godine, **d o n o s i:**

O D L U K U

o prihvatanju ponude Radović Milana, Radović Stojanke, Ostojić Aleksandre, Ostojić Aleksandra, Tešanović Ivane i Tanasković Bojana za kupovinu gradskog građevinskog zemljišta i objekata

Član 1.

Prihvata se korigovana ponuda Radović Stojanke, Radović Milana, Ostojić Aleksandre, Ostojić Aleksandra, Tešanović Ivane i Tanasković Bojana od 18.05.2012. godine, data na Zapisnik kod nadležne službe za imovinsko-pravne poslove pod brojem: 07-1-31-2-2195/12, kojom Općini Goražde nudi kupovinu gradskog građevinskog zemljišta i objekata, koje se nalazi u Ul. Zaima Imamovića b.b. u Goraždu, po ponuđenoj cijeni u ukupnom iznosu od 61.000,00 KM, radi

obezbjeđenja građevinskog zemljišta za izgradnju saobraćajnice na ovom lokalitetu.

Član 2.

Odobrava se kupovina u korist Općine Goražde gradskog građevinskog zemljišta iz člana 1. ove Odluke, koje je u katastarskom operatu premjera i katastra zemljišta označeno kao:

- k.č. 801 zvana "Hadžićka mahala", po kulturi kuća i zgrada i dvorište, u površini od 379 m², koja je upisana u p.l. br. 548/02 k.o. Goražde II, na ime Ostojić (Radivoja) Aleksandar sa 1/12 dijela, Tešanović (Radivoja) Ivana rođ. Ostojić sa 1/12 dijela, Tanasković (Radivojić) Bojana rođ. Ostojić sa 1/12 dijela, Ostojić (Radivoja) Aleksandra sa 1/12 dijela, Radović (Anđelka) Milan sa 1/3 dijela posjeda i Radović rođ. Lasica Stojanka sa 1/3 dijela posjeda, po cijeni u ukupnom iznosu od 61.000,00 KM (šesdeset jedna hiljada konvertibilnih maraka).

Član 3.

Novčana sredstva iz člana 2. ove Odluke obezbjedit će se iz Budžeta općine Goražde za 2012. godinu, sa ekonomskog koda 615 118 5 izgradnja kružne raskrsnice u Ul. Zaima Imamovića u Goraždu.

Član 4.

Ovlašćuje se načelnik Općine Goražde da zaključi kupoprodajni ugovor sa prodavcem, s tim što će Općina Goražde snositi sve troškove prenosa prava vlasništva.

Član 5.

Ova Odluka stupa na snagu osmog dana od dana objavljivanja u "Službenim novinama općine Goražde".

Broj: 01-02-1-2756

Goražde, 31.05.2012. godine

ZAMJENIK PREDSJEDAVAJUĆEG VIJEĆA

Obuća Aida, dipl.prav.

0862

Na osnovu odredaba člana 29. stav 1. Zakona o prometu nepokretnosti ("Službeni list SRBiH" broj: 38/78, 4/89, 29/90, 22/91 i "Službeni list R BiH" broj: 21/92, 3/93, 13/94 i 18/94), člana 25. stav 1. Zakona o građevinskom zemljištu FBiH ("Službene novine Federacije BiH" broj: 25/03), člana 13. Zakona o principima lokalne samouprave u Federaciji Bosne i Hercegovine ("Službene novine FBiH" broj: 49/06) i članova 18, 77. i 84. Statuta Općine Goražde ("Službene novine Bosansko-podrinjskog kantona Goražde" broj: 13/07), Općinsko vijeće Općine Goražde, na 41.

redovnoj sjednici, održanoj dana 31.05.2012. godine, **d o n o s i:**

O D L U K U

o prihvatanju ponude Čarapić Ratomira, Ziroje Dragana i Đoković Ranke za kupovinu gradskog građevinskog zemljišta i objekta

Član 1.

Prihvata se korigovana ponuda Čarapić Ratomira iz Kikinde, Ziroje Dragana iz Novog Sada i Đoković Ranke iz Goražda od 18.05.2012. godine, data na zapisnik kod nadležne službe za imovinskopravne poslove pod brojem: 08-1-31-1996/08, kojom Općini Goražde nude kupovinu gradskog građevinskog zemljišta i objekta koje se nalazi u ul. Zaima Imamovića br. 25 u Goraždu, po ponuđenoj ukupnoj cijeni u iznosu od 78.000,00 KM, radi obezbjeđenja građevinskog zemljišta za izgradnju kružne saobraćajnice na ovom lokalitetu.

Član 2.

Odobrava se kupovina u korist Općine Goražde gradskog građevinskog zemljišta iz člana 1. ove Odluke, koje je u katastarskom operatu premjera i katastra zemljišta označeno kao:

- k.č. 803 zvana "Ispod Rasadnika", po kulturi kuća i zgrada u površini od 144 m² i dvorište, u površini od 235 m², odnosno u ukupnoj površini od 379 m² koja je upisana u p.l. br. 82/02 k.o. Goražde II, na ime Čarapić (Perka) Ratomir sa 11/18 dijela, Đoković r. Čarapić (Perka) Ranka sa 5/18 dijela, i Ziroje (Branka) Dragan sa 1/9 dijela posjeda, po cijeni u ukupnom iznosu od 78.000,00 KM (sedamdeset osam hiljada konvertibilnih maraka).

Član 3.

Novčana sredstva iz člana 2. ove Odluke obezbjedit će se iz Budžeta Općine Goražde za 2012. godinu, sa ekonomskog koda 615 118 5 - izgradnja kružne rekonstrukcije u ul. Zaima Imamovića b.b. u Goraždu.

Član 4.

Ovlašćuje se načelnik Općine Goražde da zaključi kupoprodajni ugovor sa prodavcem, s tim što će Općina Goražde snositi sve troškove prenosa prava vlasništva.

Član 5.

Ova Odluka stupa na snagu osmog dana od dana objavljivanja u "Službenim novinama Općine Goražde".

Broj: 01-02-1-2755

Goražde, 31.05.2012. Godine

ZAMJENIK PREDSJEDAVAJUĆEG VIJEĆA

Obuća Aida, dipl.prav.

0863

Na osnovu člana 6. Odluke o utvrđivanju kriterija za određivanje iznosa zakupnine stana na području Bosansko-podrinjskog kantona Goražde za 2012. godinu br. 03-14-486/12 od 19.04.2012. godine i članova 18. i 84. Statuta Općine Goražde („Službene novine Bosansko-podrinjskog kantona Goražde“, broj: 13/07), Općinsko vijeće Općine Goražde, na 41. redovnoj sjednici održanoj dana 31.05.2012. godine, **d o n o s i:**

O D L U K U

o utvrđivanju koeficijenta zakupnine za stanove na području općine Goražde za 2012. godinu

Član 1.

Ovom Odlukom utvrđuje se koeficijent zakupnine za stanove na području općine Goražde na kojima pravo raspolaganja ima Općina Goražde, a koji podpadaju pod odredbe Zakona o zakupu stana Bosansko-podrinjskog kantona Goražde.

Član 2.

Koeficijent zakupnine za stanove iz prethodnog stava se utvrđuje u visini od 0,04 za 2012.godinu.

Član 3.

Utvrđeni koeficijent zakupnine služi kao faktor za izračunavanje iznosa zakupnine stana na području općine Goražde.

Član 4.

Ova Odluka stupa na snagu osmog dana od dana objavljivanja u „Službenim novinama Općine Goražde“.

Broj: 01-02-1-2759

Goražde, 31.05.2012. godine

ZAMJENIK PREDSJEDAVAJUĆEG VIJEĆA

Obuća Aida, dipl.prav.

0864

Na osnovu člana 18. i člana 84. stav 1. Statuta Općine Goražde („Službene novine Bosansko-podrinjskog kantona Goražde, broj: 13/07), Općinsko vijeće Općine Goražde, na svojoj 41. redovnoj sjednici, održanoj dana 31.05.2012. godine, **d o n o s i:**

ODLUKU
O RAZRJEŠENJU PREDJEDAVAJUĆE
OPĆINSKOG VIJEĆA OPĆINE GORAŽDE

Član 1.

Ovom se Odlukom VESNA MARIĆ razrješava sa funkcije predsjedavajuće Općinskog vijeća Općine Goražde, zbog podnesene ostavke.

Član 2.

Ova Odluka stupa na snagu osmog dana od dana objavljivanja u „Službenim novinama Općine Goražde“.

Broj: 01-02-1-2757

Goražde, 31.05.2012. godine

ZAMJENIK PREDSJEDAVAJUĆEG VIJEĆA

Obuća Aida, dipl.prav.

0865

Na osnovu člana 2.12 tačka (8) Izbornog zakona Bosne i Hercegovine („Službeni glasnik Bosne i Hercegovine“, broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08 i 32/10) i članova 18. i 84. Statuta Općine Goražde („Službene novine Bosansko-podrinjskog kantona Goražde“, broj: 13/07), Općinsko vijeće Općine Goražde, na svojoj 41. redovnoj sjednici, održanoj dana 31.05.2012. godine, **d o n o s i:**

ODLUKU

o imenovanju predsjednika Općinske izborne komisije Općine Goražde

Član 1.

Za Predsjednika Općinske izborne komisije Općine Goražde imenuje se POPOVIĆ DŽEMAIL.

Član 2.

Centralna izborna komisija Bosne i Hercegovine daje pisanu saglasnost na Odluku o imenovanju predsjednika Općinske izborne komisije Općine Goražde.

Član 3.

Ova Odluka stupa na snagu po dobijanju saglasnosti od Centralne izborne komisije Bosne i Hercegovine, a bit će objavljena u „Službenim novinama Općine Goražde“.

Broj: 01-02-1-2758

Goražde, 31.05.2012. godine

ZAMJENIK PREDSJEDAVAJUĆEG VIJEĆA

Obuća Aida, dipl.prav.

0866

ZAKLJUČCI

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj: 2/08), Općinsko vijeće Općine Goražde, na četrdeset prvoj redovnoj sjednici, održanoj dana 31.05.2012. godine, **d o n o s i:**

Z A K L J U Č A K

1. Usvaja se Izvještaj o radu za 2011. godinu i Program rada za 2012. godinu JP „Sportsko-kulturno-privredni centar“ d.o.o. Goražde.
2. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-1-2770

Goražde, 31.05.2012. godine

ZAMJENIK PREDSJEDAVAJUĆEG VIJEĆA

Obuća Aida, dipl.prav.

0867

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj: 2/08), Općinsko vijeće Općine Goražde, na četrdeset prvoj redovnoj sjednici, održanoj dana 31.05.2012. godine, **d o n o s i:**

Z A K L J U Č A K

1. Ne usvaja se Izvještaj o izvršenju Budžeta Općine Goražde za period 01.01.2012. godine – 31.03.2012. godine.
2. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-1-2768

Goražde, 31.05.2012. godine

ZAMJENIK PREDSJEDAVAJUĆEG VIJEĆA

Obuća Aida, dipl.prav.

0868

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj: 2/08), Općinsko vijeće Općine Goražde, na četrdeset prvoj redovnoj sjednici, održanoj dana 31.05.2012. godine, **donosi**:

ZAKLJUČAK

1. Utvrđuje se Nacrt odluke o jedinstvenom načinu raspolaganja, upravljanja i zaštiti stanova nad kojim pravo raspolaganja ima Općina Goražde, koji može poslužiti kao osnova za izradu prijedloga propisa sa stavovima i mišljenjima koja su u toku rasprave iznijela radna tijela vijeća i vijećnici.
2. Javnu raspravu će provesti Komisija za urbanizam, prostorno uređenje, stambeno-komunalnu politiku, infrastrukturu i zaštitu okoline uz saradnju sa nadležnom općinskom službom.
3. Javna rasprava će se provesti na nivou jedne centralne javne rasprave za sve mjesne zajednice sa područja općine Goražde.
4. O rezultatima javne rasprave Komisija za urbanizam, prostorno uređenje, stambeno-komunalnu politiku, infrastrukturu i zaštitu okoline podnijet će izvještaj Vijeću.
5. Rok za realizaciju ovog Zaključka je do 60 dana.
6. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-1-2771

Goražde, 31.05.2012. godine

ZAMJENIK PREDSJEDAVAJUĆEG VIJEĆA

Obuća Aida, dipl.prav.

0869

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj: 2/08), Općinsko vijeće Općine Goražde, na četrdeset prvoj redovnoj sjednici, održanoj dana 31.05.2012. godine, **donosi**:

ZAKLJUČAK

1. Izjašnjavanje o prijedlogu Rješenja po osnovu provedenog javnog konkursa broj: 02-31-302 od 02.02.2012. godine za dodjelu neizgrađenog gradskog građevinskog zemljišta u državnoj svojini radi privođenja trajnoj namjeni odlaže se do naredne sjednice Vijeća.
2. Zadužuje se nadležna služba da pripremi najadekvatnije rješenje uključujući prijedloge koji su iznijeti u toku same sjednice Vijeća, pri tom posebno uzeti u obzir zaključke radnih tijela Vijeća po ovoj tački dnevnog reda te, razmotrivši pravni aspekt rješenja ovog problema, pokušati pronaći drugo alternativno rješenje.
3. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-1-2767

Goražde, 31.05.2012. godine

ZAMJENIK PREDSJEDAVAJUĆEG VIJEĆA

Obuća Aida, dipl.prav.

0870

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj: 2/08), Općinsko vijeće Općine Goražde, na četrdeset prvoj redovnoj sjednici, održanoj dana 31.05.2012. godine, **donosi**:

ZAKLJUČAK

1. Prijedlog Odluke o odobrenju za podnošenje tužbe za naknadu štete protiv HE „Piva“ za naknadu štete nastale usljed poplavnog vala u periodu od 01. do 04.12.2010. godine na području općine Goražde, vraća se na dopunu.
2. Zadužuje se načelnik Općine Goražde da formira tim sačinjen od strane kompetentnih osoba iz raznih oblasti, koji će u skladu sa važećim zakonskim propisima na osnovu elaborata, te po potrebi i drugih dokaza i činjenica sačiniti potpunu informaciju koju će dostaviti Općinskom vijeću.
3. Informacija treba dati smjernice za dalje postupanje u ovoj pravnoj stvari sa posebnim akcentom na uzročnike štete,

eventualno tuženu stranu, iznos ukupne štete nastale na državnoj imovini, imovini Općine Goražde, zastupnika Općine Goražde, nadležnog suda, te druga bitna pitanja.

4. Rok za realizaciju ovog Zaključka je 60 dana.
5. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-1-2774

Goražde, 31.05.2012. godine

ZAMJENIK PREDSJEDAVAJUĆEG VIJEĆA

Obuća Aida, dipl.prav.

0871

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj: 2/08), Općinsko vijeće Općine Goražde, na četrdeset prvoj redovnoj sjednici, održanoj dana 31.05.2012. godine, **donosi**:

ZAKLJUČAK

1. Usvaja se Izvještaj o radu za 2011. godinu i Program rada za 2012. godinu JP „Veterinarska stanica“ d.o.o. Goražde.
2. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-1-2769

Goražde, 31.05.2012. godine

ZAMJENIK PREDSJEDAVAJUĆEG VIJEĆA

Obuća Aida, dipl.prav.

0872

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj: 2/08), Općinsko vijeće Općine Goražde, na četrdeset prvoj redovnoj sjednici, održanoj dana 31.05.2012. godine, **donosi**:

ZAKLJUČAK

1. Zadužuje se nadležna općinska služba da Federalnoj direkciji cesta uputi upit

vezan za sagledavanje stanja sigurnosti iz oblasti saobraćaja na lokaciji Trg branilaca i razmotri mogućnost eventualnog postavljanja ležećih policajaca ili mjerača brzine na pomenutoj lokaciji.

2. Rok za realizaciju ovog Zaključka je do 30 dana.
3. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-1-2775

Goražde, 31.05.2012. godine

ZAMJENIK PREDSJEDAVAJUĆEG VIJEĆA

Obuća Aida, dipl.prav.

0873

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj: 2/08), Općinsko vijeće Općine Goražde, na četrdeset prvoj redovnoj sjednici, održanoj dana 31.05.2012. godine, **donosi**:

ZAKLJUČAK

1. Usvaja se Izvještaj o realizaciji zaključaka sa predhodne 40. redovne sjednice Općinskog vijeća Općine Goražde.
2. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-1-2766

Goražde, 31.05.2012. godine

ZAMJENIK PREDSJEDAVAJUĆEG VIJEĆA

Obuća Aida, dipl.prav.

0874

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj: 2/08), Općinsko vijeće Općine Goražde, na četrdeset prvoj redovnoj sjednici, održanoj dana 31.05.2012. godine, **donosi**:

ZAKLJUČAK

1. Da se u sklopu sredstava iz Programa utroška finansijskih sredstava Budžeta Općine Goražde sa ekonomskog koda 614 117 – grant mjesnim zajednicama

za 2012. godinu – nepredviđeni izdaci za mjesne zajednice – od 10.000,00 KM, dio sredstava obezbijedi za rješavanje sigurnosti i preglednosti priključnog puta MZ Mravinjac, tj. od Beriča na magistralni put M-20.

2. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-1-2772

Goražde, 31.05.2012. godine

ZAMJENIK PREDSJEDAVAJUĆEG VIJEĆA

Obuća Aida, dipl.prav.

0875

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj: 2/08), Općinsko vijeće Općine Goražde, na četrdeset prvoj redovnoj sjednici, održanoj dana 31.05.2012. godine, **d o n o s i:**

Z A K L J U Č A K

1. Zadužuje se načelnik Općine i nadležna općinska služba da u rebalansu Budžeta Općine Goražde za 2012. godinu predvide finansijska sredstva za izgradnju javne rasvjete na mostu u Baćcima.
2. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-1-2773

Goražde, 31.05.2012. godine

ZAMJENIK PREDSJEDAVAJUĆEG VIJEĆA

Obuća Aida, dipl.prav.

0876

Na osnovu članova 4. i 6. Odluke o uvjetima i načinu sticanja i raspolaganja sredstvima i opremom potrebnim za rad organa uprave Općine Goražde (broj 01-02-28/10 od 16.05.2011) i člana 35. Statuta Općine Goražde (“Službene novine Bosansko-podrinjskog kantona Goražde”, broj:13/07), a na Prijedlog Službe za civilnu zaštitu i mjesne zajednice (broj: 08-44-73/12 od 03.05.2012.g.), načelnik Općine Goražde

d o n o s i:

O D L U K U

o prodaji osnovnih sredstava Općine Goražde putem usmenog javnog nadmetanja

Član 1.

Prodaje se osnovno sredstvo Općine Goražde putem usmenog javnog nadmetanja kako slijedi :

1. Motorno vozilo “Opel Ascona”,
 - model C-CC,
 - broj šasijske W0 L 000084 J 1158858,
 - broj motora C 20 NE-25139709,
 - godina proizvodnje 1988,
 - početna cijena: 1.500,00 KM;
2. Dva motorna vozila, “Camir Whiter” koja se prodaju u otpad:
 - tipa Motors M 49,
 - broj šasijske 161 192
 - broj motora E 43213 i AC E33466 E34154
 - godine proizvodnje 1963. godina,
 - početna cijena 0,50 KM po jednom kilogramu

Član 1.

Postupak prodaje provest će komisija za javnu prodaju Općine Goražde koju imenuje načelnik Općine, a sastoji se od predsjednika i četiri člana.

Član 2.

Finansijska sredstva ostvarena od prodaje vozila mogu se koristiti samo za nabavku opreme (rezervnih dijelova za motorna vozila, održavanje voznog parka kao i nabavku i održavanje druge opreme za Profesionalnu vatrogasnu jedinicu Općine Goražde) i ista uplatiti na žiroračun zaštite i spašavanja Općine Goražde br:161000092630258, otvoren kod Raiffaisen banke filijala Goražde.

Član 3.

Ova Odluka stupa na snagu danom donošenja, a bit će objavljena u “Službenim novinama Općine Goražde”.

Broj; 01-02-27-3-2613/12

Goražde, 23. 05. 2012.

NAČELNIK OPĆINE

mr.sci Muhamed Ramović

0877

Na osnovu člana 26. Odluke o uvjetima i načinu sticanja i raspolaganja sredstvima i opremom potrebnim za rad organa uprave Općine Goražde (broj 01-02-28/10 od 16.05.2011) i člana 35. Statuta Općine Goražde (“Službene novine Bosansko-podrinjskog kantona Goražde”, broj:13/07), a na Prijedlog Službe za civilnu zaštitu i mjesne zajednice (broj: 08-44-73/12 od 03.05.2012.g.), načelnik Općine Goražde **d o n o s i:**

O D L U K U
o davanju na korištenje motornog vozila "Volvo"
JKP "6. mart" Goražde

Član 1.

Općina Goražde ustupa na korištenje bez naknade motorno vozilo marke "Volvo", tip F7, broj motora E4X244, broj šasije YV2107FAXDA022180, godina proizvodnje 1983, Javnom komunalnom preduzeću "6. mart" Goražde.

Član 2.

Načelnik Općine Goražde će zaključiti ugovor sa Javnim komunalnim preduzećem "6. mart" Goražde, u kojem će biti precizirana sva prava i obaveze ugovornih strana.

Član 3.

Ova Odluka stupa na snagu osmog dana od dana objavljena u "Službenim novinama Općine Goražde".

Broj:01-02-27-3-2614/12

Goražde, 23.05.2012

NA^ELNIK OP]INE

Mr. sci. Muhamed Ramovi}

SADR@AJ

Strana

0855	ODLUKU o postavljanju spomen-obilježja žrtvama fašizma 1941-1945. i 1992-1995. godine	629
0856	ODLUKU o jedinstvenom načinu ustupanja, korištenja i zaštiti poslovnih prostorija i zgrada u vlasništvu Općine Goražde	629
0857	ODLUKU o usvajanju Programa utroška finansijskih sredstava Budžeta Općine Goražde sa ekonomskog koda 614 117 – Grant mjesnim zajednicama za 2012.godinu, u ukupnom iznosu od 100.000,00 KM	633
0858	ODLUKU o usvajanju Programa o uređenju grada i ostalih naselja i izgradnji i rekonstrukciji javne rasvjete u 2012. godini	634
0859	ODLUKU o usvajanju Programa utroška sredstava sa kriterijima raspodjele za „Podsticaj poljoprivrednoj proizvodnji“ na području općine Goražde u 2012. Godini, planiranih na ekonomskom kodu 614419 - Podsticaj poljoprivrednoj proizvodnji u Budžetu Općine Goražde za 2012.godinu, u ukupnom iznosu od 50.000,00KM	634
0860	PROGRAM UTROŠKA SRETAVA SA KRITERIJIMA RASPODJELE ZA „PODSTICAJ POLJOPRIVREDNOJ PROIZVODNJI“ NA PODRUČJU OPĆINE GORAŽDE U 2012.GODINI	635
0861	ODLUKU o prihvatanju ponude Radović Milana, Radović Stojanke, Ostojić Aleksandre, Ostojić Aleksandra, Tešanović Ivane i Tanasković Bojana za kupovinu gradskog građevinskog zemljišta i objekata	637
0862	ODLUKU o prihvatanju ponude Čarapić Ratomira, Ziroje Dragana i Đoković Ranke za kupovinu gradskog građevinskog zemljišta i objekta	637
0863	ODLUKU o utvrđivanju koeficijenta zakupnine za stanove na području općine Goražde za 2012. godinu	638
0864	ODLUKU O RAZRJEŠENJU PREDJEDAVAJUĆE OPĆINSKOG VIJEĆA OPĆINE GORAŽDE	638
0865	ODLUKU o imenovanju predsjednika Općinske izborne komisije Općine Goražde	639
0866	ZAKLJUČCI	639

Izdavač: Općina Goražde, Ul. M. Tita 2. 73000 Goražde.

Glavni i odgovorni urednik sekretar Općinskog vijeća Općine Goražde, Samir Kanlić tel: +38738221161 i pomoćnik načelnika Službe za javne servise i tehničke poslove, Sanid Zirak tel: +38738221796.

Štampa **GRAFOMERX** Goražde